



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. I. Quæ beneficia resignari possint?

[urn:nbn:de:hbz:466:1-61641](#)

de regula. in 6. Et. Videtur autem hæc tacita renuntiatio in eo differre, à privatione beneficij, ipso jure facta, quod si protestetur beneficiatus, se per talem actum nolle renuntiare beneficio, protestatio talis id operatur, ut talis actus vim tacitæ renuntiationis non habeat, in privatione vero, quæ ipso facto incurritur, protestatio talis nihil pro sit: hæc tamen tacita renuntiatio non est facilè præsumenda, si SS. Canones non inducant beneficij talis resignationem; quod enim multis fortasse expensis, & laboribus acquisitum est, tam facilè renunciari non conferat c. super eo 5. b. t. Videatur c. sanc. 7. c. veniens 13. Et. lecta 14. b. t. ubi referuntur casus aliqui apparentes quidem renuntiationis, quæ tamen à jure pro vera non agnosciuntur.

§ II.

De expressa renuntiatione
beneficiorum.

Renuntiatio expressa ea dicitur, quæ fit verbis ad hoc accommodatis, & voluntatem renuntiandi aperte declarantibus, vel etiam scripto juxta formam à jure præscriptam. Duplex ea est, pura una & simplex, seu absoluta, quæ fit sineulla conditione, modo, & pacto; & altera conditionalis, qualis est r. quæ fit in favorem tertii, sub ea scil. conditione, ut conferatur illud certæ persona, in cuius favoré aliquis resignat. 2. quæ fit cum reservatione fructu ex toto vel ex parte. 3. quæ fit cum regressu (reservato scil. sibi jure, ut resignans possit ad beneficium redire, si ille, cui cessit beneficij, præmoriatur) vel cù ingressu, quando scilicet collati quidem beneficij, ante hujus tamen possessionem, fit resignatio, sub ea conditio-

ne, ut mortuo resignatario possit resignans propriâ auctoritate ingredi sive possessionem hujus beneficij accipere; vel cum accessu, quando scil. beneficium puerο destinatum, ob ætatem tamen illius incapaci, alteri interea confertur, eā tamen conditione, ut post legitimam ætatem pueri, possit hic propriâ auctoritate beneficium tale accedere, & recuperare. Et 4. Denique conditionalis designationis beneficij dicitur, quæ fit ex causa permutationis, quando scil. beneficium, quod habet, dimittit alius, ut alterius beneficium sibi conferatur.

S E C T I O. II.

De beneficiis, quæ resignari possunt, vel non possunt.

§. I.

Quæ beneficia resignari possunt?

Omnia beneficia Ecclesiastica, sive sunt curata, sive simplicia, sive sunt majora beneficia, & dignitates, sive minoria, sive requirant residentiam, sive non requirant, etiam manualia, patrimonialia, beneficia, quæ optari possunt, beneficia affecta jure Patronatus, beneficia eleetiva, exempta, reservata sedi Apostolicae, & cujuscunque demum generis ac qualitatis sint, resignari possunt (nisi specialiter jure aliquo scripto hoc prohibeat) modò ea observentur, qua beneficia talia exigunt, ut ne fiat aliquid contra fundatorum voluntatem, vel cum præjudicio aliquo.

§. II.

Quæ beneficia resignari non possunt?

Expresso